



BIBLIOTHECA
UNIV. JAGIELL.
CRACOVENSIS

29027


Mag. St. Dr.


III



29027

III





SIMONIS STAROVOLSKI.
LAUDATIO
ALMÆ ACA-
DEMIÆ
Cracouiensis.



CRACOVIAE

*In Officina Christophori Schedelij S. R. M. Typog:
Anno Domini. M. DC. XXXIX.*

Ut aromata tangentibus, semper
aliquis adhærescit odor: Sic bonos
ac eruditos frequentantibus, aura a-
liqua virtutis ac doctrinæ.

*Ioannes Bernartius. lib. I. de utilitate
legende Historiæ.*



29024 III.

Perillustri & Admodum Rñdo Domino,
D. IOANNI ROMISZOWSKI.
Præposito Infulato,
L A S C E N S I.
SCHOLASTICO CRACOVIENSI,
S. R. M. S E C R E T A R I O.
Dño & Fautori Obseruandissimo.



Vanta Rebuspub. vtilitas ex
Academiarū fundatione pro-
ueniat, Perillustris & Admo-
dum Rñde Domine, non est vt
hîc pluribus explicem; cū ad oculum vni-
cuique manifestū sit, vel ex vnica Vniuersi-
tate Cracouiensi, tot viros eruditos pro-
uenire, vt nulla omninò Regni Poloniæ
pars sit, nullus hominum status, nulla con-
ditio, in qua non reperiantur quique præci-
pui, vel literis in ea exculti, vel laurea aliqua
condecorati. Omissis igitur rationibus,
quas partim Simon Maricius Pilsnensis, in
Opusculo de Academijs, in laudes earum
adducit: partim Andreas Fricius Modreui-

us in libro de Schola, utilitates illius demon-
strans adducit, rudi Minerua conceptum à
me sermonem de laudibus Gymnasij Cra-
couiensis, ut virtute, pietate, atque doctrina
præcellat, non alij dicare volui, quam tibi
Perillustris & Admodum Rñde Domine,
qui ibidem melioribus artibus atque mori-
bus expolitus, honestissimarum actionum
commendatione, quâ publicè, quâ priuatim
præfulges; & virtutibus tuis Ecclesiasticum
Ordinem ita ubique exornas, ut omnium
apprecationibus & votis, dignus maioribus
Infulis censeare. Nec abs re sanè. Ea si-
quidem vera est ac solida utilitas, quam ho-
nestarum commendat splendor actionum,
quæ nec temporum iniuria labefactari, nec
hominū incommodatione percelli, nec in-
opinati alicuius casus interuentu debilitari,
aut comminui potest, ut omnes probi atque
boni, cupiant eum in summo dignitatis fa-
stigio collocatum videre, & ab eo actionum
quoque suarum exemplar & normam per-
fectissimam habere. Iam verò illa tanta se-
duli-

dulitas tua in attendendis iudicijs Tribuna-
lis Regni, in queis toties iam, nomine Ve-
nerabilis Collegij Canonorum Cracoui-
ensium præsidere voluisti, nobis denotare
videtur? quid studium illud ardentissimum,
conseruandæ disciplinæ Ecclesiasticæ, quā
perpetuò immutabilem fieri desideras? quid
conatus illi assidui, exornandæ Ecclesiæ tuæ
Lascensis, quā marmoribus, quā supelle-
ctili pretiosa, quā picturis exquisitis? nisi vt
altiore loco constitutus, patria iudicia ac le-
ges in suo vigore; Canonum præscripta at-
que Conciliorum in suo tenore; Mystrarum,
templorum, sacrorumq; venerationem in
antiquo suo flore conserues; bonas artes
propages; ingenia excites; Patriamq; de-
mum vniuersam pro tuo posse exornes; gna-
rus, ea negligere quæ ad ciues felices effici-
endos pertinent, non modò stultum & igno-
miniosum, verum etiam impium & scelera-
tum ab omnibus iudicari. Ergo vt bonis a-
uibus cœpisti Perillustris & Admodum
Rñde Domine, Præceptorum tuorum A-
cademicorum Cracouiensium, vel monitu

vel exemplo, Virtutem ferio ama, Pieta-
tem cole, Doctrinam exerce, si verè bonus,
& omnium iudicio Magnus dici exoptas, &
viros eruditos solitâ humanitate tuâ atque
beneuolentiâ prosequere. Et simul Reipub.
Ecclesiæ, Amicis, diu incolumis viue, &
Vale. Cracouiæ, Anno. M. DC.

XXXIX. Men: Augu: Die 14.





SIMONIS STAROVOLSKI
LAUDATIO
 Almæ Vniuersitatis Cracouiensis.

EX VIRTUTE, PIETATE, ET DOCTRINA.



Mnis communitas ex pluribus vicinijs perfecta, omnisq; coetus hominum certo iure sociatus. A. N. eum finem propositum habere debet, vt ciuibus omnibus bene beatèq; hoc est, vt Cicero interpretatur, honestè & rectè viuere liceat: vt scilicet sub legū custodibus, & sapiētissimis Præsidibus vniuersitatis, dignitate ac commodis cuncti augeantur; vt pacatā ac tranquillam vitam sub prudenti gubernatore omnes degant; vt quisque securè suum tueri ac tenere possit; vt ab iniurijs & cædibus nemo non sit quam tutissimus. Hoc autem totum, nullo penitus modo, communitates hominum assequi possunt, nisi quam plurimi ex eis virtute, religione, atque doctrina præcellant; & iustitiæ atque moderationis amorem, paupertatis ac parsimoniæ cultum, luxuriæ atque auaritiæ odium, diuitiarum & opulentiæ contemptum, & quod ad assequendum perfectam felicitatem maximè spectat, veram veri Numinis religionem & cultum, cum maxima sua laude & vtilitate, ac propè incredibili omnium cæterorum

admiratione profiteantur. Ita, ut si in dignitate aliqua Reipub. positi fuerint, magistratus eorum amore sincero erga patriam excitatus, ex traditione legum sanctissima, & ex beneuolentia, seu conseruandæ amicitiae modo, etiam ad posteros commendetur. Sin autem priuatam ob iniquitatem fortunæ, ut sæpius accidere solet, degant iucundè vitam, omni data occasione, exempla virtutis vberima conciuibus suis subministrent: tum fortitudinis, ad mortem pro Rep. oppetendam; tum prudentiæ, ad perniciem præcauendam; tum industriæ, ad vim propulsandam; tum cæterarum omnium virtutum, ad honestè laudabiliterq; viuendum. Et quia multa ac planè infinita sunt, in qualibet societate ciuili negotia, quibus eiusmodi viri excellentes, necessario occupant animos suos, dum vel ad clauum Reip. ponuntur, vel rei domesticæ curis distrahuntur, nec sufficiunt ad laborem, ut & factis illustribus, & saluberrimis præceptis possint assidue iuniores informare in ijs, quæ viris deinceps profutura essent: Eapropter publicis stipendijs, qui politiores sunt, singulares ad hoc munus viros, in virtute & doctrina probè institutos, alere consueuerunt, qui curandæ prauæ iuuenum inclinationi aptissimum à teneris remedium adferrent, eosq; seria ac seuera disciplina ad virtutem informarent: loca illa, in quibus adolescentes eiusmodi studio addicti, essent exercitandi, Academias, Lycœa, Gymnasia, Scholas, Palæstras, Collegia, & Vniuersitates, pro rei ratione & significatione verbi, appellando. Ut ut placet vulgo appellare, benè est! modo iuuentus ad virtutem diligentissimè erudiatur. Siquidem nullo modo fieri potest, ut ætas matura sit laudabilis, quæ fundamentis adolescentiæ parum rectè sit constituta. Iam autem nihil animis hominum magis adhæret, quàm id cui à teneris consuescunt: nullumq; aptius remedium dari potest curandæ prauæ filiorum inclinationi, quàm si à cunabulis statim seuera educentur disciplina. Nam quemadmodum arbores dum teneræ sunt, ut rectæ surgant, palis

palis alligantur; equi, ut frœnum pati assuescant, dum pulli sunt frænantur; aues, ut tanto citius cicures euadant, nido detrahuntur; animantes dum teneræ sunt, capiuntur, ut seruire vsibus hominum discant: ad eundem modum ab incubulis pueri benè viuendi artem docendi sunt, ut tam familijs suis, sibiq; metipsis, quàm societati hominum vniuersæ aliquando vsui esse possint. Hanc igitur institutionis curam, cum omnes alij politiores populi, non modo quibus verus Dei cultus, verusq; virtutis amor cordi est, sed quibus etiam Christiana Religio odio est, pro genio suo diligentissime habent; tum eorum imitatione nostra quoque Sarmatica gens, postquam luce Euangelica sub Miecislao Principe illustrata esset, etiam sub Jagellone Rege lumen omnium scientiarum excepit; erectaq; in vrbe Metropoli nobilissima Academia, hoc vnicum egit, ut eximia adolescentum indoles, non iaceat medio, ut quidam Poëta inquit, obruta cœno; sed maximo sudore expolita, discat cæterorum populorum exemplo, arduum laudis adniti; mori pro Catholica Religione; exponere vitam periculis pro patria; leges & iura iustè sapienterq; interpretari; summa æquitate iudicia transigere; in disceptandis fori causis, fidem, integritatem, moderationem in consilio adhibere; in obeundis Reip. negotijs, inuidiam, metum, libidinem, amouere; inter ciues concordiam alere; in rebus turbidis constantiam & animi robur seruare; conscientiamq; mentis, quam à Deo accepimus, maximi semper æstimare. Atque hunc in vsum, cum alia plurima per Regni prouincias sparsa, priuata & publica Gymnasia habet, tum Almam Vniuersitatem Cracouiensem, veluti matrem cæterarum Academicarum, & matricem omnium scientiarum, summâ beneuolentia complectitur. Utq; olim oculus Græciæ fuerant Athenæ, sic Cracouia apud nos, totius Septemtrionis sydus esse censetur: quod nullibi hætenus in roto Sarmatico Imperio, ingeniorum felicior prouentus, nullibi doctrinæ vberior seges, reperiatur; ex qua ingens

semper in Ecclesiam & Rempub. vniuersam fructus redundauit, & verò etiam in posterum perpetuò redundabit. Quapropter de hac Schola, quæ tanquam equus quidam Troianus, tot iam Heroas sacros dedit & profanos, qui Patriæ salutem propria salute procurarunt, & Regum Poloniæ dignitatem suis consilijs sustinuerunt, ad maiorem studiosorum adolescentum informationem, & æmulationem virtutis, breuiter nonnulla particularia ex Antiquitate eruta proferam; ostendamq; luculenter, quòd vt maiorum nostrorum ætatibus, vix in aliqua Reipub. parte, nominis alicuius & doctrinæ vir quispiam vixit, qui huius Academiæ discipulus non fuerit; ita hodiedum nullum ferè Ecclesiasticæ aut Politicæ dignitatis esse Ordinem vel gradum, in quo non reperiantur, qui in Alma hac Vniuersitate disciplinis exculsi non fuerint; vel alibi leuiter triuialibus artibus tincti, hic suam perfectionem non acceperint. Vos qui veram virtutem & solidam eruditionem, aut verius Patriam ipsam, quæ hisce duabus rebus & floret, & conseruatur, seriò amatis A. N. patienter rogo audite me.

Quod olim Romæ solenne fuit, vt quo die Reipub: gubernacula suscipiebant Imperatores, eos S. P. Q. R. crebris acclamationibus, magnoq; ambitu, in Antoninorum nomen adoptabant; vt præclaro illo nomine & boni Principes ad virtutem impellerentur, & mali à flagitiorum dedecore auocarentur: hoc genti nostræ Sarmaticæ diuinitus quodammodo inditum est, vt in noui Regis electione religiosam quandam habeant rationem nominis atque sanguinis Iagellonici, quamuis iam per indirectum derivati: quod nimirum sub illo Rege maxima acceperit Patria nostra incrementa, virtutis, gloriæ, Religionis, pietatis, scientiarum, pomæriorum Imperij, atq; laudis militaris. Etenim quod maximè mirandum est, prædictus Princeps tanta præstitit nobis, Reipq; nostræ commoda, quamuis extiterit ipse ad virilem vsque ætatem, barbarus, rudis, & idololatra; vt ea

ventura omnis posteritas meritò debeat suspicere atq; venerari. Accepto namq; cum diademate Regni cœlestis gratiæ dono, qui prius gentilis erat, & fidei Christianæ osor, factus est post lauacrum baptizmati gentis suæ Lituanicæ & Samogiticæ repentè Apostolus. Qui olim rapto & præda ex vicinis viuere solitus erat; postea prudentissimus Legislator, iustissimusq; pacis ac fœderum cultor fuit. Ante impotens Tyrannus & grauis ob avaritiam Despota; deinceps bonorum ingeniorum cultor, libertatis promotor, maximusq; virtutum mirator & liberalissimus remunerator. Denique literarum omnino expers, & ignarus Ecclesiasticarum rerum; attamen literatorum piorumq; virorum beneficentissimus Patronus, Nobilissimæq; Academiae Cracouiensis, & tot Episcopatum, Præbendarum, Seminariorum, Monasteriorumq; fundator. Quod sanè diuino quodam nutu & benignitate factum est vt nomen Populi Poloni per hunc Principē fieret gloriosum. Gloria enim cuiusque boni Principis est, pax populi, tutamen patriæ, vigor Religionis, libertas plebis, disciplina subditorum: sine quibus equidem rebus neque domus alicuius priuata, neque ciuitas, neque exercitus, neque commercium vllum consistere potest: imo, hisce sublati, ne mundus ipse subsisteret. Adeo hæc præsidia vbique necessaria! adeo bonis Regibus & Imperijs vtilia! Proinde sicut nauclero cursus secundus, medico salus, Imperatori victoria: sic Reipub. moderatori beata ciuium vita proposita esse debet, vt ingenio culta, religione sancta, iustitia tranquilla, opibus firma, copijs locuples, gloria ampla, ac omni genere aliarum virtutum honesta sit, & illustris. A qua salubri intentione, cum minimè recederet ipse Rex sapientissimus IAGELLO, tum tota illius soboles inclytata minimè recedendum sibi esse censuit, quamuis stirpe virili deficiente, in aliorum Regum familias per matrimonia fuisset iam diffusa. Vt merito id, de Iagellonia pro sapia dicere possumus, quòd olim apud Ciceronem, Q. maximus de

Scipione Africano dixisse traditur, cum supremo die eum laudaret. *Gratias*, inquit, *agere se Dijs immortalibus, quod ille vir in Romana Repub. potissimum natus esset: Necessè enim fuisse, ibi esse terrarum Imperium, ubi ille esset.* Ita & nos Sarmatas, immortales Numini Æterno gratias debere, quod ille beneficentissimus Princeps, publico Septemtrionis bono natus, Polonicis sceptris manus suas admouisset: necesse enim alias fuit, in illa Arctoi Orbis parte, & ingeniorum culturam, & militaris fortitudinis gloriam viguisse, ubi ille regnasset. Cum etenim tribus potissimum artibus conseruetur quodlibet Imperium aut ciuitas, Oeconomicarum rerum diligentia, Militari disciplina, & Studio literarum, sine quibus veluti corpus humanum absque conseruatiuis potentijs, non modò crescere aut augeri, sed ne conseruari quidem aut vitalem spiritum trahere posse videmus. Nam sicut in homine tres sunt potentiae vitæ illius conseruatiuæ; Ie. cur videlicet, in quo residet facultas naturalis ad quam spectat omnis nutritio; Cor, in quo facultas vitalis & irascibilis; denique Cerebrum, in quo mens & tota cognitio: ita & in qualibet communitate seu Repub. tres sunt artes præcipuæ ipsam conseruantes; Agricultura videlicet, quæ respondet naturali, quia alimenta suppeditat toti communitati hominum in Imperio aliquo contentorum; Bellica deinde scientia, irascibili potentiae, quia repellit si quid inferatur violentiae aut impedimenti, tam à vicinis, quàm ab extraneis populis; Et literarium studium denique, quod cognitionis facultati respondet, & spectat ad intelligentiam, per quam omnibus innascitur honesti cupiditas, gloriæ stimulus, & publicæ vtilitatis desiderium. Et si vnico verbo dicere volumus; literæ pacem dirigunt, literæ bellum dirimunt, literæ vitia virtutesq; premunt aut excitant, literæ testes sunt temporum, literæ vt vult Tullius, arbitrae meritorum. Vidit hoc accuratè & considerauit diligenter Maximus REGVM IAGELLO, & sapienti iudicio cuncta in patria nostra disponens,

nens, ad bonum ciuium vniuersale; & Agricolis securitatem restituit, seuera animaduersione, in raptores bonorum alienorum, per leges scriptas instituta; & vicinarum gentium audaciam compescuit, obtentis facilè per castrensem disciplinam, ex eis toto Orbe clarissimis victorijs; & veterem denique Sarmatarum barbariem excussit, introductis in Poloniam, è Pragenfi atque Parisiensi Schola, doctissimis variarum Scientiarum Professoribus. Quibus, cum alias inferiores quasuis artes & disciplinas legendi, facultatem à Bonifacio. IX. impetrauit, tum sacram quoque Theologiam, ab Urbano. V. ante denegatam, publicè è suggesto profitendi. Illam nempè scientiam, quæ cùm omnes sanè mortales, tum maximè prodigos suæ salutis Septentrionales, ad ingrediendum religiosæ pietatis iter hortatur; quæ sub frigido nostro axe pietate ardentes, ad persequendum arduæ virtutis curriculum incitat; quæ segnes Catholicos increpat; quæ perfidos sectarios reducit ad cognitionem veritatis; quæ fluctuantes in fide Orthodoxa confirmat; quæ deficientes in via pietatis erigit; quæ omnes denique Christi Liberatoris cultores, ad vrgendum pulcherrimi operis conatum accendit. Nihil pro se, vt aliæ facultates, sed pro honore Numinis, publicisq; fidelium commodis laborat. Quod exactius perpendentes Summi Ecclesiæ Pastores, Martinus. V. & Ioannes postmodum. XXIII. comprobarunt bonum factum Bonifacij; exaugentesq; literarium decus sub Polo nostro, præcipuos è Clero Polonico Prælatos, Abbatem Claræumbæ, Vratislaviensemq; Gnesnensem, atque Cracouiensem, Decanos, Academiæ nostræ Defensores seu Conseruatores instituerunt. Cancellarium verò, & promouendorum Examinatorem, Episcopum Cracouiensem: Sede verò vacante Officiale eius seu Vicarium Generalem, prædictus Urbanus V. vrbanißimè ordinauit. Omnes denique in vniuersum Academiæ immunitates, maximus literarum promotor, Leo X. confirmauit, & à sæculari

Iurisdictione quauis maximâ suo præscripto exemit, in prætorijs eos sisti, qui sapientiæ operantur, nefas esse existimans. Quod ipsum, Friderici Imperatoris (in Cod. Cap. 4.) imitatione Diuus quoque IAGELLO diplomate suo sufficientissimè complexus est, Anno redditæ Salutis. 1401. & causam statim ibidem appoluit. *Schola*, inquit, *erigitur, ut viros producat consilij maturitate conspicuos, virtutum ornatibus redimitos, & variæ facultatis doctrinis eruditos. Videmus equidem, & certocertius experimur, qualiter Parisiorum Vrbs per conuocationem & congregationem peritorum & prudentum Franciam irradiat, Patanium cum Bononia, totam Italianam clarificat. Praga Bohemiam illuminat, Almaniam Vxonia illustrat.* Quas itaque ad emolumentum omnium subditorum suorum, & ornamentum Regalis domus, Musarum sedes Rex sapientissimus erexerat, eas diuum genus deinceps sui successores de sanguine, miranda beneficentia liberalissime exornarunt. Atque imprimis Cazimirus eius F. Canonicatus S. Floriani Academix donauit, Anno verbi Incarnati 1456. Huius, deinde F. Alexander Canonicatum Præmisliensem adiunxit Anno. 1497. Tandem frater ipsius Sigimundus I. auitæ donationis renouationem transumens, omnia atque singula à prædecessoribus suis concessa, matura deliberatione, in Comitijs Regni 1539. rata esse iussit, approbavit, confirmavit, & quasuis in Orbe Christiano dari fuetas Vniuersitatibus libertates, clementissime concessit. Nec vllam Augustus eius F. prærogatiuam à patre concessam, Patris solium conscendens, imminutam esse voluit; quinimò testandi boni animi sui causa, secundum Canonicatum Premisliensem adscripsit. 1559. Cui Stephanus Bathoreus succedens, viciniore aliquot Præbendas, atque S. Floriani Præposituram annexuit. SIGISMUNDVS III. Sanctionibus suis immunitates comprobauit. Vindex demum libertatis VLADISLAVS. IV. eius F. qui nunc feliciter nobis imperat, atque vtinam vel de annis nostris temporum anno-

fita.

fitatem aſtruens ſibi, quàm diutiſſime nobis regnet, impor-
tunos operarios ſuſtulit, cenſum pro exſtruendis inferiori-
bus claſſibus impendit, & cultiores literas quæ vaſtitatem
quandam minabantur erexit, priſtinoq; vigori reſtituit.
Piorum autem Regum munificentiam æmulatus olim piſſi-
mus ipſe Episcopuſ Cracouienſis Petr^o Wiſz, quinque bene-
ficia Eccleſiaſtica eidem Vniuerſitati incorporauit; duos ni-
mirum Canonicatus S. Stanislai in arce Cracouienſi, Theo-
logo Seniore vnum, & Iuriſconſulto alterum. Eccleſiam S.
Mariæ Magdalenæ. S. Alberti in Circulo Crac. & Parochi-
am Luborzicenſem. Idq; annuentibus ſupra nominatis
Pontificibus Romanis, Ioanne. XXIII. & Martino. V. Fe-
cerat autem & pro pauperum ſtudioſorum commoditate,
ſat amplum & grande Contubernium, ille idem Mecœnas
munificentiſſimus Diuus IAGELLO. 1409. reparatæ Salutiſ
Anno, ſed quod noſtra iam ætate in ruinam prouum inſtau-
rari curauit, amantiſſimus literarum Antiſtes, Petrus Tylici-
uſ, qui ſtatim & Oratorem publicum exercendæ iuuentutis
cauſa fundauit. Pro nobilium autem adoleſcentum uſu,
Contubernium vulgo Hieroſolymitanum dictum, Anno
1456. inſigni liberalitate exſtruxerat, Sbignæuſ Oleſniciuſ S.
Priſcæ Cardinalis. Quod ſimiliter edacitate temporis conſu-
ptum & ad ruinâ vergens, reſecit nunc Illuſtriſſimuſ Antiſtes
IACOBVS ZADZIK; & rarâ hac ætate munificentia uſuſ erga
ſtudioſam iuuentutem, quod ibidem ipſe aliquando habitaf-
ſet, nouam popularibus ſuis Dynaſtiæ Siradienſis fundatio-
nem addidit. Burſam Philoſophorum, ſeu Maſouitarum
Collegium Andreas Noſcouiuſ Episcopuſ Płocenſis A. 1558.
erexit: auxitq; illam deinceps, optimorum Virorum pietas
atque liberalitas notabilis. Ex oppoſito verò domuſ Iuriſ-
peritorum, pro ſtudioſorum eiſ facultatiſ commoditate, à
Ioanne Długoſſio Cuſtode Viſlicienſi & Canonico Crac:
1480. Contubernium inſtitutum, auxerunt ſucceſſiuè, dota-
runtq; haud parca manu, diuerſi Iuriſ Anteceſſoreſ: ſed ma-

ximè nostris temporibus, optimi Sacerdotum Io. Vladislawski Canonicus Varsoviensis, & Io. Garwalski Canon. Crac: Classēs triuiales seu Minorum artium Scholas priuatas, maximè suo demenso ditauit, strenuissimus bellator Bartholomæus Nouoduorscius Eques Melitensis, literarum ipse planè rudis, & Latinitatis ignarus. Seminarium verò Clericorum Castrense Georgius Radiuillus, atque Bernardus Maciejouius, Cardinales, quod postmodum Venerabile Capitulum, subsequentesq; Episcopi, haud spernendis subsidijs auxerunt. Quinimo etiam nuper, sancta æmulatione concitatus, doctissimus Vir Io. Zizinius Canonicus Vladislauensis, simile Clericorum Seminarium statim penes Academiam in vrbe exstruxit, & sufficientissimè prouidit; utq; ipse multum religiosus, ac in omni ferè facultate promptus fuerat, sic & alumnos suos tam in pietate, quàm in diuersis artibus exercere iussit, ut cuiusque genius ferret. Atque ita ex duobus hisce locis, tanquam ex sacro quodam puluere, doctissimi & probatissimi in omnes Poloniæ partes, animarum Curatores prodeunt. Cæterum hac nostra tempestate, cum maximè sua libertate periclitaretur Academia, maximè creuerunt & Professorum stipendia, & pauperum studiosorum Eleemosynæ, passim vndique prouidentibus & tenuitati illorum & indigentia istorum, ex omnibus Regni Prouincijs viris singularibus, publicum bonum amantibus. Sed & superiore ætate, congregati sub Petro Gamrato Gnesnensi Metropolitano, totius Poloniæ Præsules, ad Synodum Petricouensem, constituerant censum pro rata portione singulis annis Vniuersitati Crac. contribuendum, tam Episcopi, quàm Abbates, quod iam fortasse nunc in desuetudinem abiit, ferreis temporibus indies succedentibus. Satis est, quod suam beneuolentiâ Almæ suæ altrici, publica sanctione declarauerint, monstrauerintq; vniuersæ Reipublicæ & posteritati, haud inutiliter Academicos viros consumere fruges. Et alibi fortasse Professoribus opes affluentiores, studio-

dioforum gratitudo notabilior, fama ex laboribus maior, facilior pro meritis ad honores accessus; hinc longè plura pietatis & sanctimonix exempla, diligentior modestix & humilitatis observatio, tenacior disciplina, lætior paupertas, conspectior in erudienda iuuentute labor, vberior virtutum atque eruditionis fructus, auctior vbique gloria, & vt absque inuidia dicam, solam Cracouiam exteri qui peregrè ad nos veniunt, elegantix sedem appellant, litterarum domicilium, Museum Orbis Sarmatici, eruditionis emporium, Musarum atque Gratiarum omnium augustissimum quoddam Sacrum; imprimis autem Pietatis nidum, atque Larem virtutum. Quod enim alibi per Regni Prouincias, in Ecclesiasticis tantus virtutis splendor eluceat, quod accurata morum vbique disciplina cernatur, quod in Equestri pariter ac Senatorio Ordine tot viri conspicui reperiantur, hoc totum acceptum ferre huic Scholæ Sarmatia nostra debet, quia ab ea tot eximios animarum curatores, tot inuictos hæreticorum oppugnatores, tot conseruatores legum, libertatis, consuetudinum, tot seueros morum censores, totq; demum fortissimos patriæ propugnatores accepit. Sed nolo persequi omnia Almæ huius Academix merita, cum mereri amplius quotidie non desinat, & famam non sine inuidia la cessat, habens Prælectores omni iudicio doctissimos: hoc tantum vnicum addam, quod qui eruditione hinc excelluerunt, omnes ferè vitæ etiam integritate simul claruerunt; quæ in probitate syncera, religione non simulata, candore niueo, humilitate profunda, labore improbo, & perpetua grati animi significatione consistit. Multi siquidem alij Gymnasiorum Magistri, magnitudine reddituum aut beneficiorum elati, quæ à nimia Patronorum bonitate percipiunt, non solum erga inferiores exercent superbiam, quod turpissimum habetur, verum etiam contra ipsos authores beneficij non verentur insolescere, quantum in se est tollentes omnem omnino gratitudinem, quæ vsquam est inter homi-

nes; & corrupti inopinata felicitate, abutuntur ea contra illos, per quos eam adepti sunt. Exemplā recensere odiosum, nec etiam licet. Academiae verò Cracouiensis Professores, quia Doctrinae fundamentum vnicam ponunt Pietatem, timentq; pro modo ingratitude, ut fas est, aduersus accepta in hoc mundo beneficia, pœnarum in inferno persoluendarum asperitatem; ideo quater in annum sacra pro Academiae benefactoribus solemnī ritu peragunt, & in ijs, inter preces publicas, Pontificum, Regum, Dynastarum, ac aliorum omnium de Academia beneficio singulari optimè meritorum nomina, à perorante Professore recitari iubent: ut sacro hoc officio, gratum illis animum assidue rependant, & eorum memoriam, nusquam apud se interituram testentur. Etsi enim vnumquemque dedecet ingrati animi vitio laborare, illos tamen multò magis, qui virtutem & bonarum artium studia profitentur.

Profitentur autem in Academia Cracouiensi viri numero quadraginta ordinariè, in Collegijs alij, alij extra Collegia habitantes: Qui in Collegijs sunt, trifariam diuisi mensam communem habent; hi qui Regij Professores appellantur & ut plurimum Theologi sunt, in Maiori Collegio manent, pœnes se Archiuum Academicum, Bibliothecam, & Conuocationum, Electionisq; Rectoris locum retinentes. In Minori Collegio soli Artistæ degunt. In Collegio verò Iurisperitorum, Legistæ atque Canonistæ. Medici omnes extra Collegium sparsi per urbem habitant, diuersiq; alij Magistri, qui in commissis sibi Ecclesiæ & Academiae partibus, egregiè quâ virtute, quâ doctrina spartam suam exornant, & vel in classibus Triuialibus, vel in Parochialibus Scholis instituunt iuuentutem, atque metipso ad altiores scientias, qua prælegendo ex cathedra, qua disputando publice, efficiunt aptiores. Singulæ siquidem facultates, à prima Academiae institutione, certis legibus suos regunt, & studium magna sedulitate sub proprijs Decanis dirigunt, sæpiusq; de graui

gravi aliqua materia (post longum & diligens examen) in disputationis arena respondent, qui ad lauream consequendam aspirant. Neque enim hîc ad Doctorem dignitatem, ita facile ut alibi quispiam euehitur, nisi acrimoniâ ingenij, indefessâ laboris constantiâ, doctrinæ præcellentiâ commendatus; ut nimirum Academiæ honori, Præceptoribus decori, Reipub. & Ecclesiæ Dei vsui sit. Hinc, in exteris nationibus promotus, haud quaquam locum inter Professores habere quispiam poterit, nisi prius in publica disputatione decertando, specimen ingenij sui egregiè declarauerit, annuente Magnifico Rectore, seu Amplissimo Cancellario Academiæ, qui est Episcopus Cracouiensis atq; vnâ Dux Seueriensis. Et Rectoris quidem honor semestris est, Cancellarij verò perpetuus. Huius dignitas, qua Episcopi, qua Ducis, qua Senatoris Regni primarij omninò magna est. Illius præclara non minus à iurisdictione ampla, quam ab auctoritate ei ab extrinseco accedente. Quoties enim ad publicos actus procedit, totus eum Senatus Academicus, togis suis exornatus concomitatur, sceptraq; ante eum à Bedellis (quos Accensos Latinè vocamus) duo præferuntur, sequunturq; deinceps à tergo Professorum, omnes alij omnium Facultatum Doctores ac Magistri, qui extra Collegia manent.

Quod ad studium attinet, nunquam aut Lycæi, aut Stoæ certè olim tanta celebritas fuit, quanta Artium in Academia Cracouiensi est, si omnes in vniuersum Facultates consideres. Hîc Philosophia vigorem, hîc Eloquentia puritatem, hîc Mathesis florem suum, si vllibi terrarum habent. Non ad ostentationem sapiunt Theologi, non ad pompam Canonistæ; non nebulas ex Pandectis aut ventum captant Legistæ. Æsculapios quoque nemo hîc vnquam desiderauit. Siquidem in veræ ac germanæ Doctrinæ fundo omnes occupati, hanc arant, & hoc metunt. nihil in eo non à se discussum relinquunt; abdita Sapientiæ rimantur. Neque ad exa-

men pro assequenda laurea Magistrali, quispiam ab ingeniorum Censoribus admittitur, nisi qui de auditis Artis seu Scientiæ alicuius lectionibus, Professorum testimonio fidem fecerit, ne scilicet solis parietibus, aut pueris tantummodò suis Doctores prælegere videantur. Sunt autem in Sacra Theologia facultate, quatuordecim ordinarij Professores: totidem in Philosophia: Octo in Iure: Quatuor in Medicina. Reliqui Medicinæ Doctores, qui publicè nihil prælegunt, & tamen loca inter Professores promeruerunt, nullo penitus ab Vniuersitate onere obstringuntur, nisi quòd in Candidatorum examine operam suam conferunt, & publicis actibus interfunt. Et verò Facultatis huius dignitatem iam ab ipsis Academiæ initijs viri summâ eruditionis præstantiâ ita sustinuerunt, & hodie etiam sustinent vt cum nomine suo Academiæ famam latè extenderint, ab externis quoque Principibus desiderati, & quandoque euocati. vt Iosephus Struthius Posnaniensis, qui cum omni ferè doctrina liberali imbutus esset, tum in Mathematicis disciplinis primas sua ætate tulit, dum in Patauino Gymnasio Medicinam maximâ cum laude profiteretur, & ab Hispaniarum Rege PHILIPPO. II. toties consultus, toties in Iberiam propositis stipendijs euocaretur. Ibidem in cathedra floruit *Iacobus Craconiensis*, Mathematicus & Medicus insignis, ac multiplicis omnino eruditionis, qui ob felicem curationis methodum, quibusuis præcipuis Italiæ Principibus notus fuerat. Haud inferior utroque erat, & scriptis à se in lucem editis, & peritia medendi *Felix Louiciensis*, vir apud Optimates Hispaniæ gratosus, apud populum Madritensem venerabilis, omnibusq; in Aula CAROLI V. Imp. æquè carus. Fuit & apud MATTHIAM Regem Hungarorū, paulò superiore ætate in pretio, *Stanislaus Plesouiensis*, Medicus excellens, elegans Poëta, clarus Orator, antiquitatis solers, indagator vtriusque linguæ peritissimus, & quòd maximè in eo laudabile fuerat, comis moribus supra modum; quibus maximè discipulo suo *Crescens Curo-*

rozuanſcio Regni Cancellario, ac Epifcopo Vladiflauienſi charus exſtitit. Quid dicam de *Martino Ilkuſſienſi*, apud eundem MATTHIAM Regem Medico, ac deinde *Parocho Budenſi*, *Archidiacono Zagrabiienſi*, probitate ac eruditionis laude conſpicuo, quaſi adnata quadam Medicis Cracouienſibus conſuetudine, in Mathematicis ſcientijs peritiſſimo? Quid de *Laurentio Ratiborienſi*, qui in Aula LADISLAI Hungariæ & Bohemiæ Regis, Medicus & Philoſophus eruditionis fama nobiliſſimus vixerat? Quid de *Iosepho Vrendouio*, qui doctiſſimis ingenij monumentis, explicationeq; variarum herbarum atque ſtirpium apud poſteros viuit? Quid Piſnienſes illi, ſimplicium, & eorum quæ terra ex ſe fundit, ſcientia præſtantiſſimi? è quorum numero *Simon Maricius*, vir acri iudicio, & omnis antiquitatis peritia clariſſimus, ac vtraque oratione ſiue ſcriptione diſertus & elegans, *De Scholis inſtituendis*, librum doctiſſimum edidit? Quid Curzelouienſes, non minus ad Medicinam, quàm ad Mathematicas ſcientias, ſoli ſui Genio apti: quorum noſtra ætate vnus *Ioannes Broſcius*, ob Philoſophiæ, Medicinæ, Mathematicæ, Theologiæ, omniſq; antiquitatis, ac trium linguarum cognitionem, primoribus Regni gratus, vulgo venerabilis, & omnibus probis atque doctis carus. *Petrus de Chotkowo*, vel ſua magnitudine notus, qui primum arte medendi claritatem aſſecutus, deinde munere Cancellarij Maſouiæ, & Episcopatus Plocenſis Tiaræ dignitate. *Ioannem* verò *Fontanum*, dignū æternâ memoriâ ingenij monumenta teſtantur. *Valentinumq;* eius nepotem, non minus Mathematicarum diſciplinarum, quàm artis Medendi peritia, poſteritati commendabit, qui noſtra iam ætate omnis ferè elegantix & antiquitatis admirator fuit peritiſſimus. Prout & coætaneus ipſius *Simon Sirenius*, qui vel idcirco potiſſimum, clarum inter Medicos nomen obtinuit, quòd herbarum cognitione excelleret, earumq; virtutes ac proprietates patrio ſermone expreſſas, nobis reliquiſſet. Taceo *Miechouenſem* illum, priſci æ-

vivirum, ALEXANDRO atq; SIGISMUNDO I. Regibus Poloniae mirè carum, tum ob animi modestiam, tum ob singularem Matheseos atque Medicinæ notitiâ: qui insuper nihil Conciliorum, nihil Historiarum, nihil veterum Theologorum non excussit; & tamen nihil habuit arrogantiae, nihil bilis, nihil supercilij. Taceo *Albertum Brudzouensem*, apud eundem Regem ALEXANDRVM, ob Mathematices & Medicinæ scientiam maximo in pretio habitum. Taceo *Bartholum* atque *Sirnum*, *Sendomiriæ*; *Borcbum*, *Posnaniæ*; *Zemelcium* & *Slescouium*, *Calisij*; *Roscouicum*, *Ioannicum*, *Pipanum*, *Picum*, *Zalasouium*, *Lisconicum*, aliosq; infinitos, præter Artem Medendi, in literis humanioribus quoque & politicis feliciter exercitatos, *Cracouiæ*; quibus veluti ramos aliquos *Zamoscensis* Academiæ Professores, *Ioannem Vrsinum*, *Adamum Bursium*, *Simonemq; Bircouium*, celeberrimos scriptores, & in vtraque Lingua peritissimos, ad suum stipitem Academiam *Cracouensem* adiungam. In qua paucos ante annos, floruit quoque *Sebastianus Petricius*, ob eximiam Physices, Politices, Poetices, reiç; Medicæ peritiam, magnum olim gratiæ & auctoritatis locum obtinens, apud Cardinalem *MACIEIOVIVM* primùm, deinde apud *Demetrium* *Moscouiæ* Principem, eo quòd in Mathematicis etiâ disciplinis, atque scriptione librorum diuersorum excelleret. Omitto hic *Gallum*, *Bolcumq; Louiciensēs*: Omitto *Sixtum*, *Campionum*, *Habermanum*, *Bresinium*, *Coreniouium*, *Leopoliensēs*: omitto infinitos alios, qui ex Academia *Cracouensi* tanquam ex equo *Troiano* prodeuntes, non minori à Principibus viris sua ætate æstimabantur, quàm olim *Asclepiades* à *Mithridate*, *Critobulus* à *Philippo Alexandri* patre, aut *Erasistratus* ab *Antiocho* *Syriæ*, quòd eos solerti curatione sanassent. Hodie qui prædecessorum suorum famam suo nomine sustinent, & industria sua Scholæ celebritatem extendunt, sunt in curando excellentissimi, *Christophorus Naymanouicus*, virtute, literis, prudentia, & rerum agendarum peritia,

tām

tam in Academia, quàm in Senatu vr̄bis Cracouiensis, insignis. *Matthias Woneyski*, non ingenio tantum magno, facili, prompto, atque ad omnia parato, sed etiam placido, affabili, & benigno, inter sæculi sui primos viros difertos meritò adnumerandus, huius & cum Illustrissimis Regni Senatoribus familiaritatem, & medendi ac regendi felicitatem futura etiam dicet posteritas. Quid *Laurentius Smiesconicius* Græcè Latineq; doctus, atque exquisitarum & reconditarum literarum cognitione cum paucis conferendus, egregius Poëta, grauis Orator, qui itidem vitæ integritate, lectionisq; varietatē Principum in Repub. virorum animos, in sui amorem pellexit. Quid memorem *Ioannem Innocentium Petricium*, qui ad Patriæ potissimum gloriam & laudem Historicæ suas lucubrationes refert, quæ alijs in Eloquentia & Politicis scientijs meditati iunctæ, postquam vno volumine comprehensæ lucem aspexerint ingentem, Patriæ conciliabit honorem, posteris scientiæ suæ relinquet fructum, sibiq; tandem nominis famam nullis sæculis interituram comparabit. Sunt & alij extra Collegium & Professionis munus, viri magni & in medendo laudatissimi, qui Academiae gloriam, ex qua prodierunt, interinori nunquam finent, & Facultatem Medicam cana sua prudentia exornabunt. Præcipuè *Andreas Wolfonicius*, qui non modò suæ eruditionis gloriâ quam affatim ex Mathematicarum & Medicarum disciplinarum fontibus decerpfit, Regno huic & doctissimis Ithalix Æsculapijs clarissimus, sed etiam filiorum suorum indole & suprà ætatem profectu, ad spem Ecclesiæ & Patriæ succrescentium; non dubium est feliciter eos & gloriosè paternam laudem & dignitatem gestaturos. Quid *Albertus Boniconius* cui profundum satis ad sui contemplationem animum Natura dedit. *Ioannes Mitkouius* longa experientia magnorumq; conuersione virorum clarissimus, *Franciscus Relinius*, non modò Praxi Medicâ, vetum Mathematico etiam studio insigniter excultus *Nicolaus Niclasenius*, virum

& Mathematicis disciplinis & Medendi felicitate præstantissimum. Quid *Ioannes, Ochocius*, qui inter vrbis Senatores rerum peritia atque eloquentia conspicuus. Tum in Venerabili quoque Collegio Canonorum Cracouiensium *Christophorus Sapalius*, cui pietas & eruditio, tam in Orbis vrbe, quam in Regia Poloniae nomen non incelebre dederunt; Concionator facundus, Græcus, Mathematicusq; nobilissimus, disputator subtilis, præterq; Philosophicam atque Medicam lauream. SS. Theologiæ quoque Magisterio plurimum venerandus.

Cæterum sunt & Iuris Antistites celeberrimi, qui & famam egregiè tuentur, & Academiam assidui contentione laboris exornant, quibus post fata sua etiam viuent. Inprimis *Iacobus Naymanouicius* Canonicus Cracouiensis, Iuris prudentiæ, si vllus, celebris Mysta; ingenio perspicaci, memoria fideli, iudicio graui, linguarum exoticarum peritia, multimodaq; lectione atque rerum peritia clarissimus. Cuius grauitatem, constantiam, fidem, præstantiam, in Rep. literaria tuenda curam, atq; prudentiam, annalium monumenta celebrabunt. Sed quibus laudibus efferam, reconditæ eruditionis Dictatorem, intimi candoris, & laboris arbitrum, veritatis primipilum, *Thomam Eustachium à Swinari* & *Piontek Swinarscium*, generis nobilitate, memoriæ foelicitate, morum innocentia animiq; tranquillitate clarissimum, quem ob maximas lucubrationes, & continuas ex Cathedra prælectiones, etiamnum in decrepita ætate suspiciunt & mirantur omnes. Merito illi grata posteritas & præsens doctissimorum virorum *Areopagus* tribuet illud elogium, quod *Ser. Sulpitio* adscripsit *M. Tullius*. Omnes ex omni ætate, qui hac in Ciuitate intelligentiam iuris habuerunt, si vnum in locum conferantur, cum *Eustachio Swinarscio* non sunt comparandi. Neq; enim ille magis iuriconsultus, quam Iustitiæ fuit. Duo millia ad mensam Commun: fundauit ad confraternitatem Rozarij mille flor: ad minus Col: pro Orat: mille

mille meditatur. Ille hospites humanitate Collegas liberalitate, Professores laboriosos singulari favore prosequitur. Ad Collegium enim D D. Iurisconsultorū pro mensa communi Viuus & Superstes (& utinam sit multos in annos sanus & superstes) mille flor. fundauit: ille Rosarium in sua *parociam Luboricen.* induxit. & mille flor. auxit, ille pro Oratore Minoris Colle. mille se daturum pollicetur. In eodem venerabilium Canonorum Crac: Collegio, ingenio, doctrina, labore, modestiaq; inter Iurisconsultos æui sui excellentissimus, & morum probitate, candore, facilitate, liberalitateq; conspicuus, *Bartholomæus Janusowicz.* Ponè sequuntur *Iacobus Gorscius,* & *Stanislaus Pudlowski,* qui ut ingenij acuminè pollent, & multarum rerum peritiâ, atque Mathematicarum disciplinarum cognitione, ita professionis suæ dignitatem sedula opera hoc tempore sustinent. Quid *Andreas Petricovius* Amplissimi Senatus Cracouien: Consul? in quo Iuris vtriusque peritiâ, an Philologiam admireris, ignores: nihil ipse in vtraque ignorat, doctus & disertus, etiâ in linguis externis. Quid *Stanislaus Rozcius,* nunc Posnaniensis Lycæi Director, & Cathedralis Ecclesiæ Canonicus, vir exquisitæ doctrinæ, omnibusq; ingenita quadam animi lenitate & affabilitate carissimus? Tum *Matthias Burfowicz,* Seminarij Archidiæcesani Gnesnensis Præfectus, vir natura humanissimus, & in humanioribus literis optimè versatus. Item *Laurentius Alphonsus Karinski* ingenio memoria iudicio cæterisq; singularibus animi dotibus illustris. *Stanislausq; Czaplinski* Contubernij Iurisperitorum Præfectus, non minori obseruantia dignus ob vitam probatissimam, quàm ob eruditionem singularem. Quid illæ non è vulgo Iurisperitorum animæ & æterna Academiæ Crac: decora, quæ nostram ætatem aut memoriâ antecesserunt, horumq; quos enumerauimus antesignanorum præceptores fuerunt, *Petrus Gorcinus,* qui XV. Academiæ Principatū & fasces sumendo feliciter gubernauit. *Hieronymus Gorecius* à Sapientissimis

viris oraculum Lechiæ appellatus, quia illi ad summam Iurisperiti laudem nihil omnino defuit; siquidem in illo omnia summa fuerunt, ingenium, iudicium, memoria, & indefessus denique labor. *Jacobus Lanidlouius* ubique libenter auditus, semper laudatus, auditorum illustrium multitudine celebris, atque de humanitatis studijs optimè meritus. *Ioannes Waczlauonicius* post longas vigilias, postq; indefessos in Academia atque Regia labores, plenus honorum, plenus laudis; Regi fidus, patriæ carus, utilis omnibus, iniurius nemini decessit. Transeo *Ioannem Vladislawski*, SERENISSIMI REGIS VLADISLAI IV. præceptorem, cui pietas & eruditio nomen non incelebre etiam ad posteros dederunt, vel maximè ob factas ingenti liberalitate fundationes, tam in Collegio Artistarum, quàm in Collegio Iurisperitorum. Transeo & *Ioannem Foxium*, Archidiaconum Cracouiensem, cum in diuersis Actibus publicis, tum in prouincialibus Synodis, tanta verborum suauitate sententiarumq; grauitate, uti sua scripta attestantur, perorare solitum, ut omnium animos, oculos, & amorem in se conuerteret, sibiq; dicendo conciliaret. Omitto *Iacobum* illum *Gorscium*, Canonicum & Archipresbyterum Cracouiensem: ad Græcæ Linguae studium, & Eloquentiam prouocantem, Theologumq; profundissimum; qui ut erat ingenio acerrimo, & excelsa animi magnitudine, ita stylo, voce, opere & autoritate, serpentes ætate sua hæreses per Poloniam, propemodum iugulauit. Omitto *Lucam Resouiensem* Canonicum Cracouiensem dandis consilijs cautissimum. Taceo viros ubique consultissimos *Crosnerum*, *Scrobconicium*, *Miesinium*, *Sidlouiensem*. Taceo, *Mondronicium*, *Sczerbicum*, *Krzystanouicium* linguarum diuersarum peritia, luculentissimisq; lucubrationibus clarissimos. Taceo *Malinouium*, *Bielanum*, *Volbranium*, quorum illi præter Iuris exactam peritiam, Mathematici insuper supra captum vulgarem fuere. Iste per omnes ferè disciplinas liberius euagatus, praxim scriptio-
nis

nis iuridicæ, adamauerat, prout & *Ioannes Mlauita*, Causarum decisionem, seu controuersiarum iuridicarum. Taceo reliquos infinitos, Iurisprudentiæ & Iustitiæ Sacerdotes. non enim Cathalogum recitare institui, sed magnas illas animas, quæ istam nobilissimam Facultatem, suis laboribus, suoq; ingenio exornarunt, ad posterorum exemplum, breuiter commemorare volui, secutus hac in parte, exemplum eruditissimi olim viri *Andreae de Labaschin*, Decretorum Doctoris, Sacræq; Th. Baccal. qui simili cum enumeratione doctissimorum virorum, de Nobilissimæ huius Academiæ institutione & auspicijs, ante annos ferè centum & quinquaginta, deq; Artium omnium laudibus elegantissimè perorauit. Reuera enim innumerabiles ex hoc Gymnasio viri prodierunt, quâ virtute, quâ scientia illustres, qui cum antea iuuentutis formatores essent, ad Insulas postea vocati & Senatum Regni ornabant, & prudenti regimine commissos sibi populos gubernabant, pacis, & belli temporibus.

Sed iam Sacræ paginæ interpretes videamus, qui cum vique, tum in Scholis præcipuè, principatum eruditionis sibi vendicant. Et quidem meritò. Rectè etenim de Deo sentire, rectèq; ac religiosè cognitum colere, ex sacrarum legum præscripto, populum Catholicum decet. Et iam apud eos non tantopere modulatur Virgiliana Musa, nec resonant Lyrici vates; non reboat Ciceronis oratio, neq; argutè ratiocinatur Peripateticus Stagyrtes: sed in horum vicem successerunt Psalmici rythmi, profunda locutio Patriarcharum, ænigmatici sensus Prophetarum, parabolæ Euangelicæ, purissimus sermo Sanctorum Patrum, & diuinus quidam genius acquisiti styli in libellis precum. Etenim quo arctius nos cum Deo sacrarum literarum meditatio coniungit, eo puriorem mentem, simplicioraq; verba à nobis requirit, vt sacras Historias legendo, quæ vel in veteri, vel in Nouo testamento facta fuerunt, eo faciliùs ediscamus: Et in vtroque Tropologiam pensitando diligenter, faciènda connotemus: Allego-

riam interpretando credenda sciamus; Anagogiamq; contemplando appetenda, spe firmissima complectamur. Eiusmodi venerabiles Magistri, & perfecti sanctimoniâ viri, etsi passim in Regno, diuersis in Religionibus, diuersisq; in statibus hominum, aut Collegijs Sacerdotum, nostro & patrum nostrum æuo complures enituere, potissima attamen pars illorum, ex Academia Cracouiensis prodijt institutione. Atque inter eos STANISLAUS HOSIUS Cardinalis veluti sol inter luces minores; vir supra inuidiam, & Theologorum æui sui decus, Nihil enim eius, ingenio viuacius, nihil pectore fecundius, nihil doctrina certius veriუსq; fuit, quam opere statim ipso comprobabat. Vnde ipsius vitæ sanctimonia, qua clarus vixit, non vrbi modò, sed toti Orbi innotuit; turmatim nimirum cum è viuus excessisset, ad corpus eius visendum à Romanis concursus est, quibus, & oscula figere, è vestibusq; aliquid decerpere, aut tangere, summæ pietatis & obseruantix fuit argumentum: vt *Stanislaum Rescium* testem oculatum, legentibus facile videre est. Qui & ipse virtutibus Patrono suo haud inferior sanè, rara Græcarum litterarum, & earum à quibus humani verè dicimur & efficimur, cognitione præditus fuit. Quid si veteres illos Confessores sanctissimos, Doctoresq; religiosissimos, aut ipsos Religiosos puritate vitæ atque candore animi lucidissimos commemorem? *Ioannem Cantuum* Professore Sacrarum literarum diuina imbutum sapientia, & in quo iam inde à primis annis ea fuit pietas & innocentissima sanctitas morum, vt priscorum Ecclesiæ Patrum eximium in eo specimen eluceret, totaq; vita, & post funera ad sepulchrum, diuersitas miraculorum beatæ fruitionis gratiam, luculentissimè attestaretur. *Antonium* deinde ^{2. Nafachanus} *Anapachanensem*, *Simonem* ^{8. d. r. y. e.} *Lipnicensem*, *Michaëlem* *Gedruciū*, *Stanislaum* *Cazimirensem* aliosq; plurimos vitæ sanctitate atq; signis patratis celeberrimos. Quos facile sequuntur insignes illi Concionatores Leopolienses, Archipresbyter Cracouiensis vnus, alter sacrarum litera-

terarum in Maiori Collegio Professor, vterque *Ioannis* nomine appellatus, vterque magnæ religionis & virtutis. Quid *Herbestij* fratres, & pietate conspicui, & eruditione omnes tres celeberrimi. Quid *Ioannes Velicius*, AVGVSTI SIGISMVNDI REGIS Ecclesiastes, qui cum concionaturus in suggestum prodibat, per innumeram auditorum turbam, vix ipse transitum reperiebat? Quid vetustiores illi Sacræ huius Scientiæ antesignani? *Thomas Strzempinius* Professor primum, deinde Episcopus Crac: *Michäel Florentius*, Benedictinorum deinceps apud S. Crucem in Caluo monte Abbas, in quo subtilitas ingenij supra fidem, maturitas iudicii supra ætatem, memoriæ vis supra admirationem, facundiæq; suadæ supra opinionem adhuc in iuniori ætate effluerat; in maturiore, idoneum fidelemq; Christi ministrum in docendo & concionando effecerat. Compar illi fuit, Religiosus Fr. *Andreas de Lubieniec*, ibidem in patria sua deinde dignissimus Abbas, Philosophus & Theologus in concionibus facundus, rerumq; cœlestium contemplationi impensè deditus. Fuit & *Iacobo Ilzensi*, tandem post longam sacrarum literarum professionem Suffraganeo Plocensi, varium & liberale ingenium, quod nullis inclusum spatijs per omnes ferè disciplinas liberius euagaretur. Et Fr. *Petro de Paradiso* non deerat industria singularis, qua & bonas artes tractavit cum laude, & in patria sua Abbas Cisterciensium creatus, comis & suavis in moribus fuit, inq; lectione, scriptione, ac rerum sacrarum meditatione assiduus. Floruit iisdem temporibus inter Doctores Theologos vir ferè primarius *Thomas Ilcussiensis*, postea Præpositus *Miechouiensis*, non in diuinis modò scripturis, sed in omnibus ferè humanioribus artibus longo studio exercitatus, & in Iure Canonico non mediocriter doctus. Prout & *Albertus Opatouiensis*, præceptor ANDRÆ ROSA Archiepiscopi Gnesnensis, quem ipse laurea Philosophica ornauerat, ornatus deinde ab illo multis beneficijs & dignitatibus Ecclesiasticis, ex quibus omni vita

sua in studiosos pauperes fuit largus, & promotor ingeniorum liberalis. Tum *Ioannes Cracouiensis*, Suffraganeus deinceps Crac. vir multiplici variarum rerum cognitione eleganter excultus, & in Academia prælectionum Theologicarum elegantia, in Ecclesia concionum verè Christianarum facundia, in Regia verò rerum agendarum prudentia notus. Sed quis tandem huius nobilissimæ Facultatis Antistites & Antesignanos enumerare poterit, siquidem omnes in Polonia Religiones, omnes Cathedræ Episcopales, omnia Doctorum virorum Collegia, hinc viros præcipuos habuere, ex quo literæ in Poloniam introductæ sunt. Hodieq; omnes quotquot grauioribus scientijs perfusi, laurea Doctorali insigniri cupiunt, ad Academiam Crac. accurrunt, quæ sola Vniuersitatis titulo gaudet: hæc q; sola est Arctoi Orbis Magistra, hæc Sarmatiæ nostræ decus, hæc totius Septentrionis vnicum, Atheneum, Poloniæ oraculū, Musarum domiciliū, nidus virtutis, turris Ecclesiasticæ immunitatis, murus & propugnaculum Catholicæ Religionis atq; sanctitatis. Hinc enim Nobiles viri, filijs suis præceptores; hinc Proceres Regni consiliarios, hinc Præsules causarum Auditores, hinc Respub. vniuersa Medicos, Scriptores, Metatores, Arithmeticos, Theologos, Concionatores desumit; hinc Sacerdotes, Ludimagistros, Cantores, Causidicos habet; hinc particulares Academiae Magistros, hinc omnes quotquot in Polonia Religiones sunt viros doctissimos. Dedit itaque hæc Schola, non paucos Ecclesiæ Præsules, dedit & Reip. amplissimos Senatores, cum non plebeij modo homines, sed primariæ quoque & antiquissimæ nobilitatis viri, vt eruditionis suæ, sic & virtutis testimonia accipere consuissent. Ita *Petrus de Brun* Episcopus *Vladislauiensis*, in Decanatu Magistri *Stanislai Petricouiensis*: *Andreas de Bnin* Episcopus *Posnanien.* sub Decano *Io. Mentio*: *Gregorius de Sannok* Archiep. *Leopolien.* vir antiquissimæ & primariæ Nobilitatis, eruditionisq; & integritatis singularis, sub *Sigismundo Pi-*

do Pisdrensi. NICOLAVS SOLECZYNSKI Episcopus Vilnensis, Historicus, nec non totius antiquitatis peruestigator solertissimus, sub Decano ANDREA GRIMALA: SIBIGNEVS OLESNICIVS Cardinalis, summæ in Repub. authoritatis vir, sub Clemente de Gorka: STANISLAVS CVROSVANSCIVS Canonicus Crac: & Regni Cancellarius prudentissimus, sub IOANNE de Ilkuff. ANDREAS OPOROVIVS Episcopus Vladislaviensis. alienus vti fertur ab hominum consuetudine, semper libris, semper chartis affixus: prout & condiscipulus suus atque deinceps Collega in Senatu IOANNES de Targouisko Episcopus Præmissiensis. Taceo hic IOANNEM LVBRANSCIVM Episcopum Posnaniensem, studij Academici penes suam Cathedram fundatoris, qui sub IOANNE de Pilcza, multæ lectionis & studij viro, Philosophiæ Doctoratum accepit. Taceo excellentissimos in artibus Magistros, IOANNEM Vratislaviensem, & STANISLAVM Olomunecensem Antistites Reuerendissimos, Taceo VITELLIOS, TOMICIOS, CHOINIOS, GOSLICIOS, CONARIOS, CROMEROSQ; diuersarum Ecclesiarum Episcopos. BARANOVIVM, DEMBINIVM, IASTRZEMBECIVM, LASCIVM, Archiepiscopos: REGOVIVM, MALACHOVIVM, MAKOVECIVM, Abbates: VASKONEM, FALENCIVM, PIRAVIVM, Suffraganeos. Taceo denique alios omnes seculares, Principes, Comites, Barones, Senatoresq; Reipub. amplissimos, qui sub huius Collegij disciplina, cum literis pietatem, moresq; optimos didicerunt, & vt in Ecclesia, aut Repub. magni essent, pacis & belli tempore, hic primum creuerunt. In cuius rei evidens testimonium, vel Philosophiæ tantum Mystas, idq; è præcipuis familijs natos hic aliquot commemorabo, videlicet, NICOLAVM, GABRIELEM, IOANNEM, atque SANDVOGIVM, Tenczynios; quorum primus Russiæ Palatini dignitatem gessit, periitq; bello Valachico, tempore IOANNIS ALBERTI Regis. Alter ibidem à barbaris captus, & grandi postea lytro liberatus, tantos quieti deditus in Latina pari-

ter ac Græca Lingua progressus fecit, vt superiore[m] haberet neminem. Tertius, in quo virtus cum doctrina, ingenium cum assidua legendi auiditate certauit, vnde & titulum dignitatemq; Castellani Cracouiensis ab ALEXANDRO Rege facile obtinuit. Quartus denique Canonorum Crac. Collegio adscriptus, adeo ingenium habuit in numero, vt qualibet de re, ex tempore ferè disertè diceret. Horum æmuli tam in literis, quam in Patriæ amore fuere, SAMOTYLII, MELZINII, OSTROROGI, Decretorum primò Doctores in Lycæo formatores, in Senatu deinde præfidesq; decretorum, & conseruatores legum diligentissimi. Prout & NICOLAUS Comes Visniciensis Palatinus Crac. per STANISLAVM de Szadek laurea Philosophica decoratus. Felix item LASCIUS Palatinus Siradiensis, homo cum Iuris scripti & consuetudinarij, tum literarum & disciplinarum ferè omnium peritissimus; æquitatis, fidei, humanitatis per quam studiosus, omniumq; bonorum gratia, atque Regum beneuolentia in dignitate Senatoria florens. Præterea IOANNES OCIESCIUS Regni Cancellarius Supremus, totus ad Eloquentiam natus, & ingenij profunditate cum magnis comparandus. Quid dicam de IOANNE HERBORTO Castellano Sanocensi, qui leges nostras patrias vno volumine ita complexus est, vt cum Iurium peritia, literarum scientiam, & antiquitatum patriæ notitiam, magno ciuium vniuersorum fructu coniungeret; fuit enim in quæstionibus Scholasticis, Physicis, Theologicis, atq; Iuris peritorum eruditionis prorsus eximius. Nec infelicio[r] patre fuit, filius Fœlix, qui mirè Poetarum omnium fabulas tenebat, Dialecticorum argutias callebat, Oratorum & Historicorum libros omnes excusserat, Physices arcana peruestigauerat, in sacris literis nihil tam arduum fuit & difficile, de quo non subtiliter & accurate disputarit. Non possum præterire IOANNEM de Szatkouice Castellatum Rauensem, magnæ prudentiæ Senatorem, sub PETRO de Swanow, Philosophica laurea ornatum,

natum, summæ in dicendo & scribendo venustatis. Tem-
pore planè eodem fuit laurea condecoratus Philosophica
ANDREAS de Somlio BATHOREVS, per Magistrum IOAN-
NEM Louiciensem, paulòq; post STEPHANVS BATHOREVS
eius filius. Quibus addam sanctitate viros illustres STANI-
SLAVM Prosoviensem, IOANNEMq; Duclensem FF. Ordini² *Dukli*
Minor. S. Francisci, qui in pietate & studijs, potissimum
autem sacrarum literarum felicem deinceps collocauerant
operam, cum in Academia primùm, Primos in Artibus gra-
dus obtinuissent. Quorum coëtaneus fuit MARTINVS
Crac. apud Carmelitas Doctor Singulari eruditione prædi-
tus, pietate conspicuus, ingenio & sermone promptus, &
quod maximè in illo laudes, Regularis disciplinæ custos di-
ligentissimus. Sed ne nimia prolixitate Auditoribus nostris
nimium molesti simus, agmen Sophorum Sarmatiæ in STA-
NISLAO ORICHOVIO claudamus, cui quam Latinus & ele-
gans planeq; Romanus sermo fuerit? (vt de Græca lingua
hîc nihil dicam) quanta diuinorum eruditio? quanta legum
peritia? quanta cognitio Historiarum & Antiquitatum? re-
stantur scripta immortali memoriæ ab illo tradita. Vene-
randa siquidem Artium Facultas non Ecclesiasticos modò
viros complures eruditos patriæ edidit, sed sæculares etiam
& è præcipuis familijs propè innumerabiles protulit, vt non
immeritò FELIX PAPA fama huius rei permotus, laudaue-
rit literis suis (Anno. 1441.) Academiæ Professores, quòd
non tantùm Septentrionem suam, sed vniuersam Ecclesiam
Dei, tùm scriptis, tùm doctrina ornare non desistant. Idem
fecit & MARTINVS V. sed præcipuè ex pietate illos lau-
dans, hortansq; pro officio pastoralî, vt sedulò Viclefitis &
Husitis resistent. Nec immerito equidem: vt enim stellæ
cœli, non sibi, sed huic Orbi lucent: nec tellus sibi est fœcun-
da, sed mortalibus: sic ingenij nostri lucem ad alios quoque
peruenire necessum est, præsertim qui in tenebris ambulant,
& vt scriptura Sacra inquit, in vmbra mortis sedent. Tanti

boni promotores & propagatores ex Academicis fuere IOANNES Glogouienſis, MICHAEL Vratiſſlauienſis, MARTINVS Piſnienſis, IOACHIMVS Bielſcius, MARTINVS Bialobreſcius, alijq; infiniti, contra barbariem & glifcentes hæreſes, ſtrenuè voce & calamo militantes; ſed quos inter ANDREAS PATRICIVS Epifcopus Vendenſis præcipuum ferme locum tenet. Vir ſanè cui pietas in Deum, charitas in proximum, benignitas in omnes multiplex, etiam eruditio magnam apud omnes conciliauit beneuolentiam. Tum PETRVS SCARGA Canonicus Leopolienſis, in ſocietatem IEſv cooptatus (quem multi deinceps ex Academicis ſunt ſecuti, & hodie dum ſequuntur, vt ex libro promotorum animaduerrere licet) quam ſanctitatis exemplo, doctrina, & præſtantis ingenij monumentis, mirum in modum illuſtrauit. Non eſt prætereundum quomodo LEO quoque X. correctionem Kalendarij meditatus, ad omnes alias, quæcunque in Chriſtianitate reperiabantur, Academiæ ſcribens, ad Vniuerſitatem quoque Crac. Anno 1516, conſilia communicando ſcripſerit: vtq; viri in ſcientijs Mathematicis peritiſſimi, ex ea libellum de Correctione Kalendarij compoſitum, ad urbem miſerint. Similiter in cauſa electionis ſuæ requiſierunt ſententiam Academiæ Crac. FOELIX. V. NICOLAVS. V. MARTINVS. V. EVGENIVS. IV. & Concilium denique Baſilienſe. Quibus herclè temporibus florebant in Academia valentes in omnibus ferè ſcientijs Doctores. STANISLAVS de Szadek vir magni iudicij, nec minoris facundiæ & eruditionis inter Theologos. IOANNES Piſcenſis antiquitatis Eccleſiaſtica ſolers indagator, & trium linguarum peritiſſimus Profeſſor. MARTINVS Campius & ALBERTVS frater eius Theologiæ lectores erudiſſimi, qui ſuis ſcriptis hæreſes tunc per Poloniam atque Hungariam glifcentes efficaciffimè compescuerunt. Iiſdem temporibus floruit & IACOBVS de Goſtinino, Vir in antiquis Patribus & Concilijs Verſatiſſimus, & IOANNES Leopolienſis

Mathe-

Mathematicus, ut vix parem sequens ætas tulerit. Itemq; GEORGIUS & MARTINUS Leopolienses, hic, cum omni ferè liberali doctrina imbutus, tum Musicorum sui sæculi princeps; Ille in Concionandi munere eximius, primiq; subfellijs Philosophus, & literis humanis non parum excultus. Fuerunt & Canonistæ peritissimi, & Summistæ iudiciosissimi, quos inter *Felix Siebocius moribus* gravis ac maturus, quietisq; literariæ ac solitudinis amans. IOANNES Musceni-
us Linguae Græcæ & Latinæ scientissimus, felicitis ingenij & magnæ industriæ. MARTINUS Vialdovius vir celeberrimus, & pietate ac eruditione incomparabilis, qui Diuum Paulum interpretando, hæreses suo tempore grassantes, tum viua voce, tum editis libris strenuè profligauit, deciesq; in Academia summum gessit principatum. Comparei ANDREAS Troperus erat, excellebatq; rara summi ingenij & summæ prudentiæ foelicitate, vtriusq; autem condimentum singularem pietatem habuit; & quod in eo singularem omnium admirationem excitabat, Latinè, Græcè, Hebraicèq; eleganter loquebatur. Quo sanè tempore vixere & MARTINUS Neruicius, morum probitate laudabilis & scientia, gratusq; sui temporis Viris sapientibus; & SEBASTIANUS Clepardiensis, vir certè non in Historia modò, sed in Oratoria quoque ac Poëtica facultate, omniq; politiori literatura egregiè versatus. Tum SIMON Siebricius, linguæ vtriusque iuxta peritus, summâ & ingenij acrimonia, & iudicij, præditus. Sequenti deinde ætate inter Professores celeberrimus habebatur STANISLAVS Radoficius, qui ingenij acumine ad soluendos difficillimarum quæstionum nodos multum in Academia valuit: feliciter etiam in sacrarum literarum lectione versatus. MARTINUS Biecentis vir calami & laboris indefessi, Poëta suavis, Orator purus & elegans, eadem ætate floruit. Et PETRUS Slouacius, multa & vitæ integritate, & eruditionis laude conspicuus, magnusq; sui, ac rerum mundanarum contemptor. Prout & MELCHIOR Mosci-

censis, sacro deinceps Dominicanorum cœtui adscriptus, qui utrobique tam scriptis, quam vitæ exemplo, eximium pietatis specimen domesticis edidit: scripturarum enim diuinarum lectio eum maximè occupabat. De IOANNE verò Volbramio quid dicam? qui diuinis & humanis literis clarus, vnus inter paucos sua ætate Eloquentiam, Poësim, cæterasq; artes bonas, cum sapientia iunxit, docuitq; ac ob vitæ innocentiam, morumq; integritatem omnibus erat carissimus. Quid de STANISLAO Grebsio? cui nihil vel ad eruditionis copiam, vel ad morum integritatem, vitæq; candorem deesse videbatur; siquidem trium Linguarum præsidio ad omnium artium intima penetralia facilè penetrarat. Quid de eius discipulo STANISLAO Socolouio? quippe in quo accurata Græcæ, Hæbraicæq; Linguae, ut & in præceptore cognitio erat? Eiusq; ingenio nihil subtilius, eius memoria nihil promptius, eius facundia nihil suauius fuit; ac proinde summis in Repub. viris gratosus, Regiq; fortissimo STEPHANO BATTHOREO charus semper exstitit. Sub quo Principe, floruit quoque inter alios Viros eruditissimos, MARTINVS Pilsnensis Poëta elegans & fluidus, Ecclesiastes eximius, Philosophus ingenio excellens, & Theologus Græcè, Latineq; doctissimus. Tum & IOANNES Clodauienfis, vir literarum scientia, morumq; probitate conspicuus, in Hæbraicis non infeliciter versatus, Concionator facundus, ut vehemens; quin etiam dono discretionis spirituum omnes sui æui antecessit. Quo etiam tempore ANDREAS Tricesius latrea Philosophica redimitus, felix Poëta & suavis, lufit fauente Musarum choro. Lufit & STANISLAVS Niegoseuius cum eo, solutâ & nexâ scriptione disertus, præterq; diuersarum linguarum cognitionem & exactam peritiam, in iuuenili ætate sua quam vixerat, omnibus præstantioribus animi muneribus, virtutibusque præditus, & multiplici doctrinæ varietate instructus. Quid dicam de DEMETRIO SOLICOVIO Archiepiscopo Leopoliensi, optimis Artibus in A-

in Academia erudito, & laureis Philosophicis ob insignes animi sui ac ingenij dotes, meritò insignito? vix etenim adolescentiæ prima spatia ingressus fuerat, & iam versâ prosâq; scriptione ad elegantiam eminebat: Tandem ad Rempub. vocatus, & in specula Ecclesiæ positus, non doctrina tantum, sed etiam Christianis virtutibus, præsertim verò modestiâ, temperantiâ, & charitate feruentissima in pauperes fuit insignis. Eius in sede Archiepiscopali successor IOANNES Samoscius, patriciâ apud Roxolanos familiâ nat⁹, quæ multos celebres non eruditione solum, sed & artibus militaribus viros produxit, extremæ voluntatis decreto, magnam suarum opum partem, vt studiosi aliquot Leopoliens. penes Academiam Crac. alantur, reliquit. Cuius exemplo alij quoque complures viri Ecclesiastici tenuitati studiosorum providere haud neglexerunt, atque inter eos STANISLAVS Bontkoui⁹ Canonicus Crac. Vir, cui valdè cordi fuit studiosè iuventutis disciplina, & cœlestium rerum contemplatio: nec inter labores & occupationes Academicas Ecclesiasticasq; neglexit vnquam sacrarum literarum studium, & antiquorum Ecclesiæ Doctorum lectionem. Fuit memoriâ tenacissimâ ac felicissimâ, vt septuagenario maior, omnes ferè Poëtas classici absq; vlla hæsitazione recitaret. Haud parum quoque ornarunt Academiam Crac. SIMON atque FABIANVS Bircouij fratres: ille, in Zamoscensi Lycæo Medicinæ Professor: iste, in Ordinem S. Dominici translatus, Theologus & Ecclesiastes Regius: vterque Philosophus, Philologus, Græcæq; Linguae peritia, & libris editis, clarus. Ornauit & IOANNES Ceruinus Franciscanorum Conuentualium Sodalitati adscriptus, in diuinis scripturis ad stuporem eruditus, ingenio ac eloquio celebris, ac non minus religiosa disciplina & conuersatione honesta Venerabilis. Vbi & ADAMVS Pisdrensis integritate vitæ fuit suis exemplo, alienis admirationi, Religioni verò non adiumento solum, sed prorsus ornamento. Quantus autem fuerit vir ADAMVS Romeri-

us Stenzicenfis? quam in soluta oratione amœnus? quam in carmine elegans, & in Antiquitatibus scrutandis accuratus? fidem faciunt edita ab eo opuscula in Ciceronem confecta, & alia scripta posthuma in Theologia meditata. Quantusq; SEBASTIANVS Nucerinus, Cathedralis Ecclesiæ Per annos 25. Concionator? & velut alter NAZIANZENVVS, virtutum lampas lucidissima, speculum probitatis, exemplar Sapientiæ Sacerdotalis? dicet posteritas & tamdiu laudabit, quamdiu virtus & literæ in pretio erunt. Non omnino omittendus BASILIUS Golinius magni iudicij vir atque ingenij, lectionis exquisitæ, & in peruestigandis atque eruendis S S. Patrum reconditis sententijs summæ diligentia, patriæ Historiæ peritissimus, scriptor elegantissimus, & trium Linguarum cognitione ætate sua celeberrimus. Compar huic ANDREAS Schonæus, vir cum reliquis scientijs Græcis atque Latinis expolitus, tum maximè S. Theologiæ cognitione ornatissimus, quam vltra viginti annos in Academia, magna cum laude, & auditorum frequentia, professus est. Idem in Iure vtroque, Mathematicis disciplinis, Medicina, Historijs, præ multis peritia excelluit, Poëta laureatus, Orator disertissimus, Philosophus subtilissimus. Fuit enim ei expeditum in omnes scientias ingenium, & incredibile in rebus discernendis iudicium. Haud silentio prætereundus est, & MARTINVS Plocensis, vir ætate sua, vt eximius Theologus, ita facundissimus Orator, sacriq; eloquij in lingua vulgari præco celeberrimus. Tum SIMON Halicius, non scriptorum solummodò Diui Bernardi mirator, sed & sanctitatis vitæ diligentissimus imitator. Antiquitatis imprimis amans & indagator solers? Orator disertissimus & Philosophus Theologusq; acutissimus; probitate, ingenio, religione, diligentia, labore, ac morum suauitate excellentissimus. Quo tempore etiam vixere, IOANNES Rokitnensis in Mathesi rerumq; cœlestium indagatione versatus non infeliciter: SEBASTIANVS Igolomius optimis Philosophis adnumerandus; ingenium,

um, laborem, fidemq; suam per æque promptam atque expeditam quamdiu vixit, præbens omnibus: IOANNES Latkouicius eloquens pariter ac doctus, & cui inter Roxolanos versanti, insignis erudiendi iuuenes diligentia, & elegans morum forma, probatissimi viri nomen conciliauerat, addideratq; animos sectandi artem Aesculapiam. Fuit & IOANNES Siebrcius, cui suo sæculo nomen non incelebre dederunt, pietas & eruditio. Et IOANNES Cylandrinus elegantis ingenio seniculus, variâq; ac rarâ eruditione. Inter quos primum locum tenet IOANNES Preczlaides, vir candidi ingenij, priscae fidei, & sacrarum scripturarum scientia probe instructus, scribendi attamen quàm dicendi gratiâ præstantior: Cui merito addidero IOANNEM Rybcouici-um virum egregiè doctum atque disertum, & qui perpetuò studijs, quibus & immortalis est, incubuit, in castigandis veteribus auctoribus vsque ad extremum spiritum insudans. MARTINVS Gilouius eruditione & pietate cæterorum viro- rum Academicorum more conspicuus, totus fuit ad humanitatem factus, & ob id omnibus carus atque gratus. Sedulitatis porro ac industriæ nomine commendabatur multum SEBASTIANVS Siradius; IOANNES verò Iouius Leopoliens. ingenij soliditate, felicitate memoriæ, humaniorumq; studi- orû peritia conspicuus fuit. Prætermisim⁹ IOANNEM Clobu- cium magni ingenij & eloquentiæ virum, Philosophum, Hi- storicum, omnisq; elegantioris doctrinæ appetentissimum: Itemq; IOANNEM Vresnanum, lepidum atque festiuum Po- ëtam: atq; adeò SAMVELEM Nakielsky, qui postquam in hoc Sarmatico Parnasso Musis fauentibus & Apolline dex- tro lauream primam decerpfit, tandem regiliosæ Familiæ Can. Reg. Custodum SS. Sepulchri Hierosolymitani, no- men suum libenter adscripsit: ille primus officij religiosi rati- onem proposuit, horas in ordinem digessit, Miechouiam si- ue promptuarium antiquitatum edidit. Tum alios quoque plurimos quorum nomina nobis ad præsens non occurrunt.

laboribus tamen suis & ingenio fuere decori Academiae, quae semper virtute, pietate, atque doctrina floruit; hodieque ocium, & facilem decliuitatem aspernando, arduum laudis, maiorum æmulando exempla, sudore maximo adnititur; habetque viros in qualibet Facultate excellentissimos, quos non deprimit inuidia sed excitat ad laborem: non egestas impedit, sed promouet ad eruditionem & gloriam nominis comparandam. Vt enim corpora, corporum aliorum vicinitate atque attractu citius concalescunt, quae seorsim ab alijs posita, videmus obrigere: sic animi quoque scientiae & laudis appetentes, melius æqualium labore, æmulatorum ardore, plurimumque exemplo, quam per se excitantur, impellunturque ad virtutem. In rebus verò humanis ita comparatum esse videmus, ut nullus ferè sit populus, nulla communitas, nullus cœtus, cui non æmulum aliquem, & aduersarium geniusquispiam excitarit. Ita per omnia Regna & Imperia obseruamus, continuas inter ciues, Deoque sacros homines æmulationes, non tam ipsius virtutis, quam nescio cuius umbratilis præeminentiæ, & ostentationis. Sed quid ego hæc? quis enim nescit, aut etiam non videt, maximæ cuiusvis potestatis quoque viros, & qui communem hominum sortem excellunt, æmulationi, inuidiæque aliorum obnoxios esse? Ferendum itaque, quicquid Deus permittit, & Spartam constanti quam quisque nactus est animo adornet. Qui enim virtutem colunt liori & inuidiæ semper expositi sunt; sed interim tamen eorum finis vitæ, principium laudis & gloriæ est sempiternæ. Plutarchus de silentio Oraculi Pythiæ scribens, commemorat Corynthis in Oeco, inter templi anathemata extitisse palmam æneam, cuius ad radices viscebantur ranæ & serpentes. Quibus significabatur ab istis lardis vituperatoribus, ac maledicis inuidorum linguis, exitiali veneno armatis, impeti illorum vitam qui recta ratione, ad dignitatis rerumque præclarissimarum fastigia laboriosè emerferunt. Vnde & Academici viri, improbas molitiones maleuo-

leuolorum, tam Hæreticorum, quam Pseudopoliticorum
spernendo, stant immobiles semper in virtute, florent in do-
ctrina, & quod optimorum Professorum munus est, præ-
stant id exemplis ipsi, quod verbis alios ex cathedra docent.
Sunt in hoc Lycæo Sarmatico viri subtili eruditione conspi-
cui, laboribus excellentes, virtute præstantes: eruntq; sem-
per eiusmodi vt nulla de eorum præclaris conatib. & laudi-
bus ætas conticescat ADAMVM Opatouium, liberaliū artium
eruditione, sacrarūq; literarū cognitione celeberrimum, &
verbi Dei preconem, Can. Crac. eloquentia, pietate, animiq;
moderatione longè præstantissimū. Habemus & ALBERTVM
Borouium virum eruditionis exquisitæ, qui licet in rebus
Theologicis potissimum versatur, alia tamen studia nequa-
quam negligit. Est & MATTHIAS Blofius Professor pius
atque eruditus, & supra quam dici potest bonorum litera-
rum studijs excultus. Est & IACOBVS Vstiensis, omni ferè
doctrina liberali imbutus, & Philosophiæ, Theologiæ, atque
iuris vtriusque laurea, ob eximiam eruditionem ornatus.
IACOBVS verò Vitellius, vir ingenio facili, & trium lingua-
rum peritissimus; mirusq; in omni scriptionis genere artifex,
seu carmen pangat, seu solutam textat orationem politus est.
ingeniosum & eruditum est quicquid ab ingenio illo venit.
Quis non miretur MARTINI Vadouij Sacræ Theologiæ
Dōctoris & Professoris summum & excellens ingenium, qui
vt eruditione, & multarum rerum cognitione pollet, ita sa-
cræ Professionis dignitatem sedulâ operâ sustinet; subtilissi-
mus in resoluendo, acutissimus in arguendo, felicissimus fa-
cillimusq; in docendo: & qui vasta sua memoria promptaq;
velut in numerato omnes alias inferiores scientias habet &
complectitur. Addam meritò IACOBVM Piotrouiciū,
moribus, religione, scientia, bonis doctisq; viris adnumeran-
dum, vel maximè ob exactam rerum Politicarum cognitio-
nem: ALBERTVM Miernicouium, subtili & eleganti ingenio
virum. PAVLVM Hercium peregrinationibus excultum,

& Mathematicarum disciplinarum peritissimū: GREGORIUM Modlinium de Philosophicis disciplinis atq; Academia optime meritum: Tum ex Minoribus Collegis, IOANNEM Cyneriski Rachtamouium præcipuis quibusuis Professoribus meritò comparandum. Est enim felix Poëta, & vnà Orator egregius; vena illi facilis, amœna, florida, siue libero graditur pede, siue stricto passu insistit. Æquè sanè vt & NICOLAUS Zoraius triū Linguarū cognitione celeberrimus, ingenio, probitate, Medicarū Mathematicarūq; rerū scientia, quibusuis doctissimis conferendus his adnumeretur. Non omittam ANDREAM Kuchariski Virum subtilis & Philosophici penitus ingenij; Denique LVKAM Piotrouiū amœnissimi ingenij Comicū, atque diligentem Grammaticū, Virum inter solidè eruditos & probos præcipuū. Et THOMAM Canuefiū Mathematicis disciplinis tersaq; Poësi commendatum. Sunt & alij plurimi diuersis in artibus exercitati, quibus pietas & eruditio nomen haud incelebre dederunt, sed omnes recensere, & nimium longum esset, & nomina ad præsens meritaq; non occurrunt. Agmen igitur claudat vastissimi ingenij ac memoriæ vir ALBERTVS Griglicius, præter exactissimam trium Linguarum peritiam, aliarum quoque Orientalium linguarum cognitione celeberrimus, Poëta, Rhetor, Mathematicus Iureconsultus, & Antiquitatum sedulus inuestigator. Faxit autem Immortalis Deus, vt florentissimæ huius Academiæ gloria, quæ tam multorum in se amorem conuertit, & pietatem excitat, nulla aut Fortunæ, aut Inuidiæ vi vnquam collabascit, sed indies virtute, Religione, doctrina, vt cæpit ab origine sui, augeatur, crescatq; tuta patrocinio Regum suorum, atque fauore, quorum perpetuum seminarium est, Principum in Repub. & Ecclesia Dei Virorum. Vt enim fruges, aëris temperie, liquidioreq; cœlo exuberare videmus; ita & non secus bonas artes, eximiasq; ingenia, benignitate Regum, honorificentia Principum, humanitateq; præstantissimorum virorum, excitari cernimus.

mus. Et è contra, inuidia sordibus, morositateq; eorum,
qui rerum potiuntur, vbique restringui & languescere. Soli
igitur, qui digna literis gerunt, etsi institutione rudes sunt, li-
teras libenter fouent, vt in fundatore Almæ huius Academiæ
Crac. gloriosissimo Rege, exemplum luculentissimum ha-
bemus. Vtinam nostra hæc ætas quoque, quæ singula-
riter in omnibus elegantia cultum expetit, etiam bona-
rum literarum frugem, in aspectum ac lucem totius
Orbis proferre studeat; Hoc voueo, Hoc opto.

D I X I



Et è contra inuidia sordibus morositateq; eorum
Qui rerum potiuntur ubiq; restringui et languescere soligunt
Qui digna literis gerunt et si institutione rudes sunt literas
libenter fouent vt in fundatore almæ huius academiæ
gloriosissimo Rege exemplum luculentissimum habemus
Vtinam nostra hæc ætas quoque quæ singulariter in omnibus elegantia cultum



